



Službeni glasnik

GRADA GRADAČAC

Službeni glasnik izlazi po potrebi	BROJ 02 / 2020 GRADAČAC Petak, 03.04.2020.god.	"Službeni glasnik" izdaje Gradsko vijeće Gradačac. Za izdavača: Husein Kujraković, prof. predsjedavajući Gradskog vijeća. Štampa: "EKEprint" Gradačac
---------------------------------------	---	---

1.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -

Na osnovu člana 3. stav 1. tačka 11. i člana 21. stav (1) Zakona o komunalnim djelatnostima Tuzlanskog kantona ("Službene novine Tuzlanskog kantona" broj: 11/2005, 7/2007, 8/2012 i 14/2013) i člana 6. stav 1. tačka 27. Statutarne odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac“, broj 1/19) Gradsko vijeće Grada Gradačac, na hitnoj sjednici održanoj 04.03.2020. godine, razmatrajući Informaciju o novonastalom stanju na tržnici Arizona nakon donošenja Odluke o naplati ulaska i parkinga, od 26.02.2020. godine, od strane preduzeća Nova pijaca d.o.o. donosi

Broj:01-04-54/20
Datum:04.03.2020.god.
Gradačac

PREDSJEDAVALJUĆI
GRADSKOG VIJEĆA
Kujraković Husein, prof. s.r.

ZAKLJUČAK

I

Gradsko vijeće Grada Gradačac poziva upravitelja Nova pijaca d.o.o. da spornu Odluku o naplati ulaska i parkinga od 26.02.2020. godine stavi van snage i da do 09.03.2020. godine donese novu, u skladu sa zakonom.

Ukoliko upravitelj pijace ne postupi po prijedlogu Gradskog vijeća, Gradsko vijeće zadužuje Gradsku službu za opću upravu i inspekcijски nadzor da sa nadležnim inspekcijama preispita zakonitost navedene Odluke i izvijesti Gradsko vijeće na prvoj narednoj sjednici o poduzetim radnjama.

II

Ovaj zaključak stupa na snagu danom donošenja i bit će objavljen u „Službenom glasniku Grada Gradačac“.

1.

Na osnovu člana 6. i člana 15. Statutarne Odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac" broj 1/19), u vezi sa stavom (1) alineja 4. člana 27. Poslovnika Općinskog vijeća Gradačac (Prečišćeni tekst Poslovnika o radu „Službeni glasnik Općine Gradačac“, broj: 3/14, 6/15 i 2/19), na prijedlog Komisije za Statut i opća akta, Gradsko vijeće Grada Gradačac na vanrednoj sjednici održanoj 03.04.2020. godine, donosi

ODLUKU

o dopunama Poslovnika Općinskog vijeća
Gradačac

Član 1.

U Poslovniku Općinskog vijeća Gradačac (Prečišćeni tekst Poslovnika o radu "Službeni glasnik Općine Gradačac", broj: 3/14, 6/15 i 2/19), koji Poslovnik se primjenjuje temeljem člana 15. Statutarne odluke o organizaciji Grada Gradačac u skladu sa Zakonom o Gradu Gradačac, u članu 43. iza stava (2), dodaju se stavovi (3) i (4) koji glase:
(3) „Izuzetno, u slučaju potrebe donošenja određenih odluka ili zaključaka o pitanjima iz nadležnosti Gradskog vijeća, sjednice vijeća se mogu održati i elektronskim putem (elektronska sjednica).

(4) Sjednice iz prethodnog stava mogu se održavati u vrijeme proglašenog stanja prirodne nesreće“.

Član 2.

U članu 72. iza stava (3) dodaje se stav (4) koji glasi:

(4) „Kada se sjednice održavaju elektronskim putem glasanje se vrši pojedinačnim izjašnjavanjem ili na drugi način ako Vijeće drugačije odluči“.

Član 3.

Ova odluka stupa na snagu danom donošenja i bit će objavljena u "Službenom glasniku Grada Gradačac".

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj:01-04-64/20
Datum:04.03.2020.god.
G r a d a č a c

**PREDSJEDAVAJUĆI
GRADSKOG VIJEĆA
Kujraković Husein, prof. s.r.**

2.

Na osnovu člana 13. stav 2. alineja 5. i 18. Zakona o principima lokalne samouprave u FBiH («Službene novine FBiH», broj 49/06 i 51/09), člana 6. stav. 1 tačka 2. Statutarne Odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac” broj 1/19), Gradsko vijeće Grada Gradačac na vanrednoj sjednici od 03.04.2020. godine, donosi

**O D L U K U
o prihvatanju grant sredstava Investicionog
okvira za zapadni Balkan (WBIF)**

Član 1.

Ovom Odlukom uređuje se način prihvatanja grant sredstava i procedure realizacije grant sredstava, i druga pitanja koja su predmet Odluke.

Član 2.

Grad Gradačac prihvata grant sredstva od strane Investicionog okvira za zapadni Balkan (WBIF) u iznosu od 1.992.500 EUR-a za finansiranje Projekta Vodosnabdjevanje Gradačac (u daljem tekstu Projekt);

Član 3.

Sredstva granta iz člana 2. ove Odluke koristiti će se za finansiranje rekonstrukcije postojećih azbestnih cijevi i poboljšanje vodoopskrbnog sistema, nedovoljnog kapaciteta i trošne mreže u središnjem gradskom području Grada Gradačca.

Član 4.

Za realizaciju ove Odluke ovlašćuje se Gradonačelnik da zaključi Podugovor o grantu za Projekat iz člana 2. ove Odluke između Federacije BiH i Grada Gradačac, Grada Gradačca i JP Komunalac d.d. Gradačac, i provede ostale procedure u skladu sa zakonom i ovom Odlukom.

Član 5.

Gradonačelnik se ovlašćuje da potpiše bjanko mjenice, koje će Grad Gradačac dostaviti Federaciji BiH, kojima Grad Gradačac ovlašćuje Federaciju BiH da primljene bjanko mjenice može koristiti za naplatu dospjelih potraživanja u slučaju nenamjenskog trošenja grant sredstava.

Član 6.

Ova Odluka dostavit će se Federalnom ministarstvu finansija – Federalnom ministarstvu financija na dalje postupanje.

Član 7.

Ova odluka stupa na snagu osmog dana od dana objave u «Službenom glasniku Grada Gradačac» .

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj:01-04-65/20
Datum:04.03.2020.god.
G r a d a č a c

**PREDSJEDAVAJUĆI
GRADSKOG VIJEĆA
Kujraković Husein, prof. s.r.**

Podugovor o grantu

za Projekat „Vodosnadbijevanja Gradačac“

između

FEDERACIJE BOSNE I HERCEGOVINE

koju predstavlja

**FEDERALNO MINISTARSTVO FINANSIJA
FEDERALNO MINISTARSTVO FINACIJA**

i

GRADA GRADAČCA

Sarajevo, _____ 2020. godine

PODUGOVOR O GRANTU

Zaključen na dan _____ 2020. godine između Federacije Bosne i Hercegovine koju zastupa Federalno ministarstvo finansija-Federalno ministarstvo financija (u daljem tekstu: Federacija) i Grada Gradačca (u daljem tekstu: Grad), za Projekat „Vodosnadbijevanja Gradačac“ (u daljem tekstu: Projekat) kojeg zastupa gradonačelnik Edis Dervišagić.

PREAMBULA

BUDUĆI DA je dana _____ godine između Bosne i Hercegovine (u daljem tekstu: Primalac) i Evropske banke za obnovu i razvoj (u daljem tekstu: EBRD) zaključen Ugovor o grantu (u daljem tekstu: Ugovor);

BUDUĆI DA je _____ godine između Primaoca i Federacije potpisan Supsidijarni ugovor (u daljem tekstu: Supsidijarni ugovor);

BUDUĆI DA je dana _____ Gradsko vijeće Grada Gradačca usvojilo Odluku o prihvatanju granta za Projekat;

BUDUĆI DA je dana 27. maja 2019. godine Upravni odbor Investicijskog okvira za Zapadni Balkan dogovorio da odobri Grant u iznosu koji ne prelazi 1.992.500 EUR za finansiranje Projekta;

BUDUĆI DA je Vlada Federacije Bosne i Hercegovine na svojoj ___ sjednici od _____ godine, donijela Odluku o davanju saglasnosti za prihvatanje granta Evropske banke za obnovu i razvoj za Projekat „Vodosnadbijevanja Gradačac“ („Službene novine Federacije BiH“ broj: _____);

OVIM SU SE STRANE SPORAZUMJELE, KAKO SLIJEDI:**ČLAN 1.**

- 1.1. Federacija i Grad su saglasni da će se svi pojmovi, uvjeti i rokovi iz Ugovora, **mutatis mutandis** primjenjivati i na ovaj Podugovor o grantu (u daljem tekstu: Podugovor).
- 1.2. Ovim Podugovorom utvrđuje se način i uslovi pod kojim će Federacija staviti na raspolaganje grant sredstva Gradu, u ukupnom iznosu od 1.992.500 EUR.
- 1.3. Sredstva granta će se koristiti za finansiranje rekonstrukcije postojećih azbestnih cijevi i poboljšanje vodoopskrbnog sistema, nedovoljnog kapaciteta i trošne mreže u središnjem gradskom području Grada Gradačca.

ČLAN 2.

- 2.1. Grad je saglasan sa ciljevima Projekta i obavezuje se da će ga izvršavati sa punom marljivošću i efikasnošću i u skladu sa odgovarajućom administrativnom, finansijskom, bankarskom, okolinskom i tehničkom praksom, i da će pružiti, ili potaći da se pruži, ako to bude potrebno, sredstva, objekte, usluge i druge izvore koji su potrebni za Projekat.
- 2.2. Osim ukoliko se EBRD, Primaoca i Federacija drugačije ne slože, nabavka robe, radova i usluga potrebnih za Projekat, a koji će se financirati iz grant sredstva, će se vršiti u skladu sa Dodatkom 1 Ugovora.
- 2.3. Grad će koristiti svoja prava po ovom Podugovoru na takav način da zaštiti interese EBRD, Primaoca i Federacije i postigne svrhu Projekta i neće pripisivati, dodavati ili se odreći ovog Podugovora ili bilo koje odredbe istog.
- 2.4. Grad će uspostaviti sistem finansijskog upravljanja, uključujući podatke i račune i pripremati finansijske izvještaje koji će davati dovoljno informacija za odgovarajuće upravljanje, sve u skladu sa standardima računovodstva prihvatljivim za EBRD, Primaoca i Federaciju, koji se konzistentno primjenjuju, i adekvatno odražavaju sve njene operacije i finansijske uslove i bilježenje posebno operacija, izvora i troškova koji se odnose na Projekat.
- 2.5. Grad je dužan na zahtjev Federacije, a najmanje tromjesečno, dostavljati Izvještaj o povlačenju i trošenju grant sredstava, kao i Izvještaj o realizaciji Projekta, izvršenju svojih obaveza po ovom Podugovoru i drugim pitanjima koja se odnose na ciljeve Projekta.
- 2.6. Grad će imati zapisnike, račune i revidirane finansijske izvještaje za svaku fiskalnu godinu, u skladu sa odgovarajućim principima revizije koja se stalno primjenjuje od strane nezavisnih revizora prihvatljivim za EBRD, Federaciju i predložiti EBRD-u, Federaciji ne kasnije od šest (6) mjeseci nakon kraja svake takve godine, ovjerene kopije revidiranih finansijskih izvještaja za takvu godinu i izvještaj o takvoj reviziji od strane navedenih revizora, u takvom obimu i takvim detaljima koje EBRD i Federacija budu razumno tražili.
- 2.7. Grad će na vrijeme obavještavati EBRD, Primaoca i Federaciju o bilo kojem uslovu koji ometa ili prijeti da bi mogao ometati napredak Projekta.

- 2.8. Grad će slijediti operativne i administrativne procedure za implementaciju Projekta, uključujući bez ograničenja, dostavljanje mjesečnih i kvartalnih finansijskih i drugih izvještaja Federaciji i prosljeđivati potrebne dokumente i fakture, te osigurati pristup i EBRD, Primaocu i Federaciji svim dokumentima koji se odnose na Projekat.
- 2.9. Za svako povlačenje sredstava Grad će dostaviti Federaciji (ili osobi koju federalni ministar financija odredi kao ovlaštenu osobu) i EBRD originalnu potvrdu u kojoj će navesti iznos ekvivalentan vrijednosti robe, radova i usluga koji se financiraju iz grant sredstava, sa sadržajem zadovoljavajućim za EBRD i Federaciju.
- 2.10. Grad će snositi troškove poreza u skladu sa važećim zakonskim propisima u Federaciji BiH i Bosni i Hercegovini, te ostale troškove koji se mogu pojaviti u vezi sa zaključenjem i izvršenjem Ugovora o grantu i Supsidijarnog sporazuma.

ČLAN 3.

- 3.1. U slučaju da se ovaj Podugovor ne provede na način definiran u njemu, odnosno ukoliko su prekršene obaveze prema Ugovoru i ovom Podugovoru ili se grant sredstva budu koristila nenamjenski, Federacija može zahtjevati vraćanje ukupnog ili djelimičnog iznosa sredstava granta.
- 3.2. U svrhu osiguranja savjesnog korištenja grant sredstava, Grad je dužan u roku 7 (sedam) dana od potpisivanja ovog Podugovora dostaviti Federaciji 5 (pet) vlastitih bjanko mjenice sa klauzulom „bez protesta“ i Mjениčnom izjavom ovjerenom i potpisanom od strane ovlaštenog lica. Na osnovu ove ugovorne odredbe, Grad ovlašćuje Federaciju da primljene bjanko mjenice može koristiti za naplatu u slučaju suspendiranja ovog Podugovora, neizvođenja ili neprovođenja na pravi način, odnosno ukoliko su prekršene obaveze prema Ugovoru i ovom Podugovoru, ili se grant sredstva budu koristila nenamjenski. U tom slučaju ovlašćuje se Federacija da može u primljenu bjanko mjenicu upisati iznos svih dospjelih potraživanja na dan popunjavanja mjenice, zatim datum dospijeaća, domicilirati je po svojoj volji, upisati sve druge nedostajuće sastojke, te je podnijeti na isplatu, odnosno da mjenicom može provesti sve druge propisane radnje radi naplate mjeničnog potraživanja.
- 3.3. Bez obzira na odredbe prethodnog stava Grad je saglasan i daje neopozivo ugovorno ovlaštenje Federaciji da, sa računa javnih prihoda Federacije Bosne i Hercegovine, i to iz dijela prihoda koji pripadaju Gradu, izvrši naplatu bilo kojeg dospjelog, a ne namirenog potraživanja iz ovog Podugovora.

ČLAN 4.

- 4.1. Federacija će poduzeti ili prouzrokovati da se poduzmu sve neophodne ili odgovarajuće radnje da se dozvoli Gradu da izvršava svoje obaveze po ovom Podugovoru i neće poduzimati ili dozvoliti da se poduzmu radnje koje bi spriječile ili se miješale sa takvim izvršenjem.
- 4.2. Robe, usluge i radovi potrebni za implementaciju Projekta će se nabavljati iz sredstava granta, prema odredbama Ugovora.

ČLAN 5.

- 5.1. Ako pravo Federacije na isplatu grant sredstava bude suspendovano ili ukinuto od strane EBRD shodno odredbama Ugovora, pravo Grada na isplate, iz ovog Podugovora će isto tako i istovremeno biti suspendovano ili otkazano, u zavisnosti od slučaja.
- 5.2. Sve druge odredbe ovog Podugovora će se nastaviti u punoj snazi i učinku bez obzira na bilo koje otkazivanje ili suspenziju po Ugovoru.

ČLAN 6.

- 6.1. Federalni ministar finansija/financija ili bilo koja druga osoba ili osobe, u potpunosti pismeno ovlaštene od strane federalnog ministra finansija/financija mogu, u ime Federacije, preduzimati bilo koje radnje ili sačiniti bilo koja dokumenta koja se zahtijevaju ili su dozvoljena ovim Podugovorom.
- 6.2. Gradonačelnik ili bilo koja druga osoba ili osobe koje su u potpunosti pismeno ovlaštene mogu u ime Grada, preduzimati bilo koje radnje koje se od njega ili njih zahtijevaju, a dozvoljena su ovim Podugovorom.

ČLAN 7.

- 7.1. Ukoliko se ne ispune ili djelomično ispune uslovi predviđeni ovim Podugovorom ili bilo koje obaveza koje iz njega proizilaze, sporazumne strane mogu raskinuti ovaj Podugovor.
- 7.2. Sporazumne strane mogu raskinuti ovaj Podugovor, posebnim Sporazumom o raskidu između Federacije i Grada, koji mora biti u pismenoj formi i u kojem će biti regulisane sve posljedice takvog raskida.
- 7.3. Ukoliko nastupi neki od razloga za raskid, Federacija će pismenim putem pozvati Grad da u roku od 30 dana od dana prijema obavijesti otkloni nastali razlog za raskid ovog Podugovora.
- 7.4. Ukoliko Grad u predviđenom roku iz ovog člana ne udovolji zahtjevu Federacije i ne otkloni razlog za raskid, Federacija ima pravo jednostrano raskinuti ovaj Podugovor izjavom o raskidu, koja će biti dostavljena Gradu preporučenom poštom (s povratnicom). Ovaj Podugovor će se smatrati raskinutim nakon proteka otkaznog roka od 30 dana koji počinje teći od dana dostave izjave o raskidu.
- 7.5. U slučaju da ovaj Podugovor bude raskinut zbog povrede ugovornih obaveza od strane Grada, odnosno iz razloga neispunjavanja ili djelomičnog izvršenja, Grad će biti odgovoran za svu štetu koja može nastati Federaciji bilo direktno ili indirektno, zbog takvog raskida.
- 7.6. Raskidom ovog Podugovora, ugovorne strane se oslobađaju obaveza, izuzev finansijskih obaveza Grada koje su proistekle potpisivanjem ovog Podugovora, uz obaveze naknade štete Federaciji.

- 7.7. U slučaju daljnjeg prenosa ili ustupanja, preuzimatelj prava i/ili obaveza će pristupiti ovom Podugovoru i postati korisnik granta kao da je bio imenovan ugovorna strana na dan potpisivanja ovog Podugovora, i ima ista prava, obaveze i ugovornu poziciju kao ranija ugovorna strana, odnosno Grad.

ČLAN 8.

- 8.1. Na sve što nije regulisano ovim Podugovorom, primjenjivat će se odredbe Zakona o obligacionim odnosima kao i odredbe drugih važećih zakona u Federaciji BiH.
- 8.2. Svi sporovi koji budu nastali po osnovu ovog Podugovora ili u vezi sa istim, a koji se ne mogu sporazumno riješiti između Federacije i Grada, konačno će se riješiti pred nadležnim sudom u Sarajevu.
- 8.3. Ako bilo koja odredba ovog Podugovora bude nevažeća, to neće uticati na valjanost ostalih odredaba. Bilo koji nedostatak koji iz toga proizađe bit će popunjen odredbom u skladu sa svrhom ovog Podugovora.
- 8.4. Bilo koja obavijest ili zahtjev koji se traži ili dozvoljava po ovom Podugovoru i svi sporazumi između strana, biti će u pismenoj formi.
- 8.5. Sve izmjene i dopune ovog Podugovora imaju pravno dejstvo ukoliko su sačinjene u pisanoj formi kao Aneks ovog Podugovora i stupiće na snagu kada ih prihvate i potpišu ovlašteni predstavnici Federacije i Grada.

ČLAN 9.

- 9.1. Svaka obavijest, traženje ili zahtjev potreban ili dozvoljen da se da ili podnese po ovom Podugovoru će biti u pisanom obliku i smatrat će se da je dat ili podnesen kada bude dostavljen na ruke, poštom ili telefaksom na adresu niže naznačene osobe ili na bilo koju drugu adresu koju će ta osoba naznačiti u pisanom obliku strani koja daje obavijest ili podnosi zahtjev:

Za Federaciju:

Federalno ministarstvo finansija
Federalno ministarstvo financija
Mehmeda Spahe 5
71000 Sarajevo

Na pažnju: Ministar

Telefax: +387 33 203 152

Za Grad :

Grad Gradačac
Husein Kapetana Gradašćevića 54
76250 Gradačac

Na pažnju: Gradonačelnika

Telefax: +387 35 369 750 +387 35 369 751

- 9.2. Ako se bilo koja od gornjih adresa i/ili imena promijene, strane su o tome dužne odmah obavijestiti drugu ugovornu stranu pismeno o novim adresama/i ili imenima.

ČLAN 10.

- 10.1. Ovaj Podugovor stupa na snagu danom potpisivanja Supsidijarnog sporazuma između Primaoca i Federacije.
- 10.2. Ovaj Podugovor je sačinjen u 4 (četiri) istovjetna primjerka, od kojih svaka strana zadržava po 2 (dva).

Za Federaciju BiH

**Federalno ministarstvo finansija
Federalno ministarstvo finansija**

Ministrica

Jelka Milićević

Broj:_____

Za Grad Gradačac

Gradonačelnik

Edis Dervišagić

Broj:_____

Podugovor o grantu
za Projekat „Vodosnabdijevanja Gradačac“

između

GRADA GRADAČCA

I

J.P. "KOMUNALAC" D.D. GRADAČAC

Gradačac, _____ 2020. godine

PODUGOVOR O GRANTU

Zaključen na dan _____ 2020. godine između **Grada Gradačac** koga zastupa Gradonačelnik Edis Dervišagić (u daljem tekstu: Grad) i **JP „Komunalac“ d.d. Gradačac** (u daljem tekstu: Kompanija), za Projekat „Vodosnabdijevanja Gradačac“ (u daljem tekstu: Projekat).

PREAMBULA

BUDUĆI DA je dana _____ godine između Bosne i Hercegovine (u daljem tekstu: Primalac) i Evropske banke za obnovu i razvoj (u daljem tekstu: EBRD) zaključen Ugovor o grantu (u daljem tekstu: Ugovor);

BUDUĆI DA je _____ godine između Primaoca i Federacije potpisan Supsidijarni ugovor (u daljem tekstu: Supsidijarni ugovor);

BUDUĆI DA je dana _____ Gradsko vijeće Grada Gradačca usvojilo Odluku o prihvatanju granta za Projekat;

BUDUĆI DA je dana 27. maja 2019. godine Upravni odbor Investicijskog okvira za Zapadni Balkan dogovorio da odobri Grant u iznosu koji ne prelazi 1.992.500 EUR za finansiranje Projekta;

BUDUĆI DA je Vlada Federacije Bosne i Hercegovine na svojoj ___ sjednici od _____ godine, donijela Odluku o davanju saglasnosti za prihvatanje granta Evropske banke za obnovu i razvoj za Projekat „Vodosnabdijevanja Gradačac“ („Službene novine Federacije BiH“ broj: _____);

OVIM SU SE STRANE SPORAZUMJELE, KAKO SLIJEDI:**ČLAN 1.**

- 1.1. Grad i Kompanija su saglasni da će se svi pojmovi, uvjeti i rokovi iz Ugovora, *mutatis mutandis* primjenjivati i na ovaj Podugovor o grantu (u daljem tekstu: Podugovor).
- 1.2. Ovim Podugovorom utvrđuje se način i uslovi pod kojim će Grad staviti na raspolaganje grant sredstva Kompaniji, u ukupnom iznosu od 1.992.500 EUR.
- 1.3. Sredstva granta će se koristiti za finansiranje rekonstrukcije postojećih azbestnih cijevi i poboljšanje vodoopskrbnog sistema, nedovoljnog kapaciteta i trošne mreže u središnjem gradskom području Grada Gradačca.

ČLAN 2.

- 2.1. Kompanijaje saglasna sa ciljevima Projekta i obavezuje se da će ga izvršavati sa punom marljivošću i efikasnošću i u skladu sa odgovarajućom administrativnom, financijskom, bankarskom, okolinskom i tehničkom praksom, i da će pružiti, ili potaći da se pruži, ako to bude potrebno, sredstva, objekte, usluge i druge izvore koji su potrebni za Projekat.
- 2.2. Osim ukoliko se EBRD,Primalac i Grad drugačije ne slože, nabavka robe, radova i usluga potrebnih za Projekat, a koji će se financirati iz grant sredstva, će se vršiti u skladu sa Dodatkom 1 Ugovora.
- 2.3. Kompanijaće koristiti svoja prava po ovom Podugovoru na takav način da zaštiti interese EBRD,Primaoca i Gradai postigne svrhu Projekta i neće pripisivati, dodavati ili se odreći ovog Podugovora ili bilo koje odredbe istog.
- 2.4. Kompanija će uspostaviti sistem financijskog upravljanja, uključujući podatke i račune i pripremati financijske izvještaje koji će davati dovoljno informacija za odgovarajuće upravljanje, sve u skladu sa standardima računovodstva prihvatljivim za EBRD, Primaoca i Grad, koji se konzistentno primjenjuju, i adekvatno odražavaju sve njene operacije i financijske uslove i bilježenje posebno operacija, izvora i troškova koji se odnose na Projekat.
- 2.5. Kompanija je dužna na zahtjev Grada, a najmanje tromjesečno, dostavljati Izvještaj o povlačenju i trošenju grant sredstava, kao i Izvještaj o realizaciji Projekta, izvršenju svojih obaveza po ovom Podugovoru i drugim pitanjima koja se odnose na ciljeve Projekta.
- 2.6. Kompanija će imati zapisnike, račune i revidirane financijske izvještaje za svaku fiskalnu godinu, u skladu sa odgovarajući principima revizije koja se stalno primjenjuje od strane nezavisnih revizora prihvatljivim za EBRD, Grad i predočiti EBRD-u, Gradu ne kasnije od šest (6) mjeseci nakon kraja svake takve godine, ovjerene kopije revidiranih financijskih izvještaja za takvu godinu i izvještaj o takvoj reviziji od strane navedenih revizora, u takvom obimu i takvim detaljima koje EBRD i Grad budu razumno tražili.
- 2.7. Kompanija će na vrijeme obavještavati EBRD, Primaoca i Grad o bilo kojem uslovu koji ometa ili prijeti da bi mogao ometati napredak Projekta.

- 2.8. Kompanija će slijediti operativne i administrativne procedure za implementaciju Projekta, uključujući bez ograničenja, dostavljanje mjesečnih i kvartalnih finansijskih i drugih izvještaja Gradu i prosljeđivati potrebne dokumente i fakture, te osigurati pristup i EBRD, Primaocu i Gradu svim dokumentima koji se odnose na Projekat.
- 2.9. Za svako povlačenje sredstava Kompanija će dostaviti Gradu (ili osobi koju Gradonačelnik Grada Gradačca odredi kao ovlaštenu osobu) i EBRD originalnu potvrdu u kojoj će navesti iznos ekvivalentan vrijednosti robe, radova i usluga koji se financiraju iz grant sredstava, sa sadržajem zadovoljavajućim za EBRD i Grad.
- 2.10. Kompanijaće snositi troškove poreza u skladu sa važećim zakonskim propisima u Federaciji BiH i Bosni i Hercegovini, te ostale troškove koji se mogu pojaviti u vezi sa zaključenjem i izvršenjem Ugovora o grantu i Supsidijarnog sporazuma.

ČLAN 3.

- 3.1. U slučaju da se ovaj Podugovor ne provede na način definiran u njemu, odnosno ukoliko su prekršene obaveze prema Ugovoru i ovom Podugovoru ili se grant sredstva budu koristila nenamjenski, Grad može zahtijevati vraćanje ukupnog ili djelimičnog iznosa sredstava granta.
- 3.2. U svrhu osiguranja savjesnog korištenja grant sredstava, Kompanija je dužna u roku 7 (sedam) dana od potpisivanja ovog Podugovora dostaviti Gradu 5 (pet) vlastitih bjanko mjenica sa klauzulom „bezprotesta“ i Mjениčnom izjavom ovjerenom i potpisanom od strane ovlaštenog lica. Na osnovu ove ugovorne odredbe, Kompanija ovlašćuje Grad da primljene bjanko mjenice može koristiti za naplatu u slučaju suspendiranja ovog Podugovora, neizvođenja ili neprovođenja na pravi način, odnosno ukoliko su prekršene obaveze prema Ugovoru i ovom Podugovoru, ili se grant sredstva budu koristila nenamjenski. U tom slučaju ovlašćuje se Grad da može u primljenu bjanko mjenicu upisati iznos svih dospjelih potraživanja na dan popunjavanja mjenice, zatim datum dospijeca, domicilirati je po svojoj volji, upisati sve druge nedostajuće sastojke, te je podnijeti na isplatu, odnosno da mjenicom može provesti sve druge propisane radnje radi naplate mjeničnog potraživanja.
- 3.3. **Bez obzira na odredbe prethodnog stava Kompanija je saglasna i daje neopozivo ugovorno ovlaštenje Graduda, sa računa javnih prihoda Grada, i to iz dijela prihoda koji pripadaju Kompaniji izvrši naplatu bilo kojeg dospjelog, a ne namirenog potraživanja iz ovog Podugovora.**

ČLAN 4.

- 4.1. Grad će poduzeti ili prouzrokovati da se poduzmu sve neophodne ili odgovarajuće radnje da se dozvoli Kompanijida izvršava svoje obaveze po ovom Podugovoru i neće poduzimati ili dozvoliti da se poduzmu radnje koje bi spriječile ili se miješale sa takvim izvršenjem.
- 4.2. Robe, usluge i radovi potrebni za implementaciju Projekta će se nabavljati iz sredstava granta, prema odredbama Ugovora.

ČLAN 5.

- 5.1. Ako pravo Grada na isplatu grant sredstava bude suspendovano ili ukinuto od strane EBRD shodno odredbama Ugovora, pravo Kompanije na isplate, iz ovog Podugovora će isto tako i istovremeno biti suspendovano ili otkazano, u zavisnosti od slučaja.
- 5.2. Sve druge odredbe ovog Podugovora će se nastaviti u punoj snazi i učinku bez obzira na bilo koje otkazivanje ili suspenziju po Ugovoru.

ČLAN 6.

- 6.1. Gradonačelnik Grada Gradačac ili bilo koja druga osoba ili osobe, u potpunosti pismeno ovlaštene od strane Gradonačelnika Grada Gradačac mogu, u ime Gradapreduzimati bilo koje radnje ili sačiniti bilo koja dokumenta koja se zahtijevaju ili su dozvoljena ovim Podugovorom.
- 6.2. Direktor Kompanije ili bilo koja druga osoba ili osobe koje su u potpunosti pismeno ovlaštene mogu u ime Kompanije, preduzimati bilo koje radnje koje se od njega ili njih zahtijevaju, a dozvoljena su ovim Podugovorom.

ČLAN 7.

- 7.1. Ukoliko se ne ispune ili djelomično ispune uslovi predviđeni ovim Podugovorom ili bilo koje obaveze koje iz njega proizilaze, sporazumne strane mogu raskinuti ovaj Podugovor.
- 7.2. Sporazumne strane mogu raskinuti ovaj Podugovor, posebnim Sporazumom o raskidu između Grada i Kompanije, koji mora biti u pismenoj formi i u kojem će biti regulisane sve posljedice takvog raskida.
- 7.3. Ukoliko nastupi neki od razloga za raskid, Grad će pismenim putem pozvati Kompaniju da u roku od 30 dana od dana prijema obavijesti otkloni nastali razlog za raskid ovog Podugovora.
- 7.4. Ukoliko Kompanija u predviđenom roku iz ovog člana ne udovolji zahtjevu Grada i ne otkloni razlog za raskid, Grad ima pravo jednostrano raskinuti ovaj Podugovor izjavom o raskidu, koja će biti dostavljena Kompaniji preporučenom poštom (s povratnicom). Ovaj Podugovor će se smatrati raskinutim nakon proteka otkaznog roka od 30 dana koji počinje teći od dana dostave izjave o raskidu.
- 7.5. U slučaju da ovaj Podugovor bude raskinut zbog povrede ugovornih obaveza od strane Kompanije, odnosno iz razloga neispunjavanja ili djelomičnog izvršenja, Kompanija će biti odgovoran za svu štetu koja može nastati Gradu bilo direktno ili indirektno, zbog takvog raskida.
- 7.6. Raskidom ovog Podugovora, ugovorne strane se oslobađaju obaveza, izuzev finansijskih obaveza Kompanije koje su proistekle potpisivanjem ovog Podugovora, uz obaveze naknade štete Gradu.
- 7.7. U slučaju daljnjeg prenosa ili ustupanja, preuzimatelj prava i/ili obaveza će pristupiti ovom Podugovoru i postati korisnik granta kao da je bio imenovan ugovorna strana

na dan potpisivanja ovog Podugovora, i ima ista prava, obaveze i ugovornu poziciju kao ranija ugovorna strana, odnosno Kompanija.

ČLAN 8.

- 8.1. Na sve što nije regulisano ovim Podugovorom, primjenjivat će se odredbe Zakona o obligacionim odnosima kao i odredbe drugih važećih zakona u Federaciji BiH.
- 8.2. Svi sporovi koji budu nastali po osnovu ovog Podugovora ili u vezi sa istim, a koji se ne mogu sporazumno riješiti između Grada i Kompanije, konačno će se riješiti pred nadležnim sudom u Tuzli.
- 8.3. Ako bilo koja odredba ovog Podugovora bude nevažeća, to neće uticati na valjanost ostalih odredaba. Bilo koji nedostatak koji iz toga proizađe bit će popunjen odredbom u skladu sa svrhom ovog Podugovora.
- 8.4. Bilo koja obavijest ili zahtjev koji se traži ili dozvoljava po ovom Podugovoru i svi sporazumi između strana, biti će u pismenoj formi.
- 8.5. Sve izmjene i dopune ovog Podugovora imaju pravno dejstvo ukoliko su sačinjene u pisanoj formi kao Aneks ovog Podugovora i stupiće na snagu kada ih prihvate i potpišu ovlašteni predstavnici Grada i Kompanije.

ČLAN 9.

- 9.1. Svaka obavijest, traženje ili zahtjev potreban ili dozvoljen da se da ili podnese po ovom Podugovoru će biti u pisanom obliku i smatrat će se da je dat ili podnesen kada bude dostavljen na ruke, poštom ili telefaksom na adresu niže naznačene osobe ili na bilo koju drugu adresu koju će ta osoba naznačiti u pisanom obliku strani koja daje obavijest ili podnosi zahtjev:

Za Grad :

Grad Gradačac
Husein Kapetana Gradašćevića 54
76250 Gradačac

Na pažnju: Gradonačelnika

Telefax: +387 35 369 750 +387 35 369 751

Za Kompaniju:

J.P. „Komunalac „ d.d. Gradačac
Husein Kapetana Gradašćevića 114
76250 Gradačac

Na pažnju: Direktora

Telefax: 035/816-106 035/817-219

- 9.2. Ako se bilo koja od gornjih adresa i/ili imena promijene, strane su o tome dužne odmah obavijestiti drugu ugovornu stranu pismeno o novim adresama/i ili imenima.

ČLAN 10.

- 10.1. Ovaj Podugovor stupa na snagu danom potpisivanja Supsidijarnog sporazuma između Primaoca i Grada.
- 10.2. Ovaj Podugovor je sačinjen u 4 (četiri) istovjetna primjerka, od kojih svaka strana zadržava po 2 (dva).

Za Grad Gradačac**Gradonačelnik****Mr.sci Edis Dervišagić****Za J.P.“ Komunalac“ d.d. Gradačac****Direktor****dipl.ing. Damir Okanović**

Broj: _____

Broj: _____

3.

Na osnovu člana 13. stav 2. tačka 5. i člana 35. stav 3. Zakona o principima lokalne samouprave u F BiH ("Službene novine FBiH", broj 49/06 i 51/09), člana 6. Statutarne odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac", broj 1/19), člana 87. i 92. Poslovnika o radu Općinskog vijeća Gradačac, Gradsko vijeće Grada Gradačac na vanrednoj sjednici održanoj 03.04.2020.godine, donosi

O D L U K U

o davanju saglasnosti za upis prava vlasništva u korist JZU Centar za fizikalnu medicinu, rehabilitaciju i banjsko liječenje "Ilidža" Gradačac

Član 1.

Grad Gradačac kao osnivač JZU Centar za fizikalnu medicinu, rehabilitaciju i banjsko liječenje "Ilidža" Gradačac daje saglasnost zemljišnoknjižnom uredu Općinskog suda u Gradačcu za brisanje državnog vlasništva na sljedećim nekretninama:

- k.č. broj 267 "Lahve" oranica/njiva 6. klase 13734 m²;
- k.č. broj 268 "Lahve" šuma 3. klase 4914 m²;
- k.č. broj 269 "Banja Ilidža" hotel, kafana 2127 m², bazen 712 m², pašnjak 2. klase 22049 m²;
- k.č. broj 333/2 "Banja novi hotel" voćnjak 3. klase 667 m²; i

- k.č. broj 376/2 "Lahve" oranica/njiva 5. klase 472 m².

sve upisane u p.l.-u broj 1856 k.o. Gradačac II kao posjed JZU Centar za fizikalnu medicinu, rehabilitaciju i banjsko liječenje "Ilidža" Gradačac.

Član 2.

Ovom odlukom se daje saglasnost zemljišnoknjižnom uredu Općinskog suda u Gradačcu da na nekretninama opisanim u tački 1., nakon brisanja državnog vlasništva, a u skladu sa odredbama člana 338. Zakona o stvarnim pravima FBiH, izvrši upis prava vlasništva u korist JZU Centar za fizikalnu medicinu, rehabilitaciju i banjsko liječenje "Ilidža" Gradačac sa dijelom 1/1.

Član 3.

Ova odluka stupa na snagu osmog dana od dana objavljivanja u "Službenom glasniku Grada Gradačac".

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj:01-04-66/20

Datum:03.04.2020.god.

G r a d a č a c

PREDSJEDAVAJUĆI**GRADSKOG VIJEĆA**

Kujraković Husein, prof. s.r.

1.

Član 5.**Gradonačelnik**

Broj: 02-04-554/20

Datum: 04.03.2020. godine

Na osnovu člana 108. stav (1) Zakona o poljoprivrednom zemljištu ("Službene novine F BiH", broj 52/09) i člana 7. stav 2. tačka 6. Statutarne odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac" broj: 1/19), a u vezi sa Programom gospodarenja poljoprivrednim zemljištem u vlasništvu države na području općine Gradačac ("Službeni glasnik Općine Gradačac" broj: 5/11, 4/16 i 5/16) Gradonačelnik, donosi

O D L U K U**o raspisivanju javnog poziva
za zakup poljoprivrednog zemljišta
u vlasništvu države na području grada
Gradačca****Član 1.**

Ovom Odlukom raspisuje se javni poziv za zakup poljoprivrednog zemljišta u vlasništvu države na području grada Gradačca.

Član 2.

Predmet javnog poziva je zakup poljoprivrednog zemljišta u vlasništvu države na području grada Gradačca i to poljoprivredno zemljište u katastarskim općinama: Gradačac I, Gradačac II, Mionica I, Lukavac Donji, Vida I, Donji Hrgovi, Skugrić II.

Član 3.

Pregled poljoprivrednog zemljišta iz tačke II ove Odluke po katastarskim česticama, prikazan je u tabeli koja je u prilogu ove Odluke i čini njen sastavni dio.

Član 4.

Poljoprivredno zemljište iz tačke II ove Odluke dodjeljivat će se u zakup putem javnog poziva na period utvrđen Zakonom o poljoprivrednom zemljištu.

Posupak javnog poziva provest će Grad Gradačac – Gradska služba za privredu, budžet i finansije. Javni poziv sadržavat će kriterije o visini zakupnine poljoprivrednog zemljišta u vlasništvu države na području Tuzlanskog kantona koju je utvrdilo Ministarstvo poljoprivrede, šumarstva i vodoprivrede Tuzlanskog kantona, kao i posebne kriterije koji su utvrđeni Pravilnikom o postupku davanja u zakup poljoprivrednog zemljišta u vlasništvu države na području grada Gradačca broj: 02-20-553/20 od 03.03.2020. godine.

Član 6.

Ova odluka stupa na snagu danom dobijanja saglasnosti od strane Ministarstva poljoprivrede, šumarstva i vodoprivrede Tuzlanskog kantona, a objavit će se u "Službenom glasniku Grada Gradačac".

Gradonačelnik
mr.sci Edis Dervišagić, s.r.

Dostaviti

1. Ministarstvo poljoprivrede,
šumarstva i vodoprivrede TK
2. Evidencija,
3. a/a.

2.

Na osnovu člana 105.-116. Zakona o poljoprivrednom zemljištu ("Službene novine FBiH" broj 52/09) i člana 7. stav 2. tačka 6. Statutarne odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac broj: 1/19) Gradonačelnik donosi

PRAVILNIK
o postupku davanja u zakup poljoprivrednog
zemljišta u vlasništvu države
na području grada Gradačca

Član 1.

Ovim Pravilnikom se uređuju kriteriji i uslovi za izbor najpovoljnijih ponuđača za zakup državnog poljoprivrednog zemljišta (u daljem tekstu: zemljište) na području grada Gradačca

Član 2.

Predmet zakupa je zemljište utvrđeno u Programu gospodarenja poljoprivrednim zemljištem u vlasništvu države na području općine Gradačac odjeljak 3.2.2. Površine određene za zakup ("Službeni glasnik općine Gradačac" broj : 5/11, 4/16 i 5/16).

Član 3.

Ponuđači za zakup zemljišta mogu biti pravna i fizička lica sa područja grada Gradačca koja su upisana u Registar poljoprivrednih gazdinstava i Registar.

Član 4.

Zemljište se dodjeljuje u zakup na period do 25 godina za podizanje nasada voćnjaka, vinograda i rasadnika, odnosno na period do 10 godina za drugo poljoprivredno iskorištavanje.

Poljoprivredno zemljište u vlasništvu države dato u zakup, ne može se dati u podzakup.

Maksimalna površina zemljišta koja se može dati u zakup za bavljenje ratarstvom iznosi 50 ha, a za voćarstvo 25 ha.

Parcele površine do 5 ha nije dozvoljeno cijepati.

Član 5.

Na odluku o raspisivanju Javnog poziva saglasnost daje kantonalno Ministarstvo poljoprivrede, šumarstva i vodoprivrede, u skladu sa odredbama Zakona o poljoprivrednom zemljištu.

Javni poziv će se objaviti u sredstvima javnog informisanja.

Rok za podnošenje prijave za zakup zemljišta je 10 dana od dana objavljivanja.

Član 6.

Za rješavanje po podnesenim prijavama za dodjelu zemljišta po raspisanom Javnom pozivu gradonačelnik će formirati komisiju od pet (5) članova, od kojih je jedan član sekretar komisije.

Komisija ima zadatak da razmotri prijave prispjele na Javni poziv, sačini rang listu najpovoljnijih ponuđača i predloži listu za dodjelu zemljišta.

Na prijedlog Komisije, Odluku o izboru najpovoljnijih ponuđača za dodjelu zemljišta u zakup donosi gradonačelnik, uz saglasnost Ministarstva poljoprivrede, šumarstva i vodoprivrede TK.

Na Odluku iz prethodnog stava može se izjaviti žalba drugostepenoj komisiji koju rješenjem imenuje gradonačelnik.

Pokretanje upravnog spora ne odgađa postupak raspodjele poljoprivrednog zemljišta.

Član 7.

Pri odabiru prava prvenstva zakupa državnog poljoprivrednog zemljišta redosljed će se utvrditi na osnovu kumulativno ostvarenih bodova po kriterijima kako slijedi:

- Broj uposlenih radnika (za pravna lica).....po postojećem uposlenom radniku 1 bod
- Osnovna djelatnost, poljoprivrednja proizvodnja15 bodova
Dopunska djelatnost, poljoprivredna proizvodnja..... 5 bodova
- Raspoloživa poljoprivredna mehanizacija po registrovanoj poljoprivrednoj djelatnosti: mašina vlasništvu podnosioca zahtjeva ili upisanog člana porodičnog gazdinstva.....2 boda

Maksimalno po osnovu raspoložive poljoprivredne mehanizacije može se dobiti 10 bodova.

- Vrsta poljoprivredne djelatnosti:

a) Stočarstvo

- 1 do 5,00 uslovnih grla5 bodova
- 5,01 do 15,00 uslovnih grla 10 bodova
- 15,01 do 25,00 uslovnih grla15 bodova
- više od 25,01 uslovnih grla 20 bodova

Uslovno grlo je odraslo grlo starije od 24 mjeseca na osnovu kojeg se računa pripadajući iznos po pojedinoj vrsti domaće životinje.

b) Voćarstvo rasadnička proizvodnja

- do 50.000 proizvedenih sadnica 5 bodova
- preko 50.000 proizvedenih sadnica10 bodova

c) Voćarstvo i vinogradarstvo – zasnivanje voćnjaka i vinograda (intenzivni zasad)

- od 1 do 3 ha10 bodova
- 4 i 5 ha15 bodova
- 6 i više ha20 bodova

d) Ratarstvo

- žitarice15 bodova
- plastenička i staklenička proizvodnja7 bodova
- ostala proizvodnja5 bodova

- Dosadašnje neuredno plaćanje zakupnine (ukoliko je ponuđač do sada koristio državno poljoprivredno zemljište u zakupu, a izmirio je obaveze po osnovu zakupa do dana podnošenja prijave ali je izmirivanje obaveze bilo neuredno) -5 bodova (oduzima se pet bodova)

- Ponuđena cijena zakupa u odnosu na početnu cijenu za svakih 5 KM/ha više od početne cijene 1 bod, a maksimalno može dobiti po ovom osnovu 10 bodova.

- Ukoliko 2 ili više ponuđača postignu isti broj bodova, prednost će imati ponuđač koji je ponudio veću cijenu zakupa.

Član 8.

Parcele koje su predmet dodjele, a u katastarskom operatu se vode po kulturi "voćnjak", prvenstveno će se davati u zakup radi zasnivanja voćnjaka.

Ukoliko ne bude dovoljno zahtjeva za parcele iz prethodnog stava, iste će biti dodijeljene za ratarsku ili ostalu proizvodnju.

Član 9.

Prijave na javni poziv zakupaca koji su do sada koristili državno poljoprivredno zemljište, a

nisu izmirili svoje obaveze oko plaćanja zakupa istog, neće biti uzete u razmatranje prilikom dodjele zemljišta u zakup.

Član 10.

Zakup poljoprivrednog zemljišta putem pribavljanja pisanih ponuda može se provesti ako je dostavljena jedna pravovremena i potpuna ponuda.

Član 11.

Davanje u zakup poljoprivrednog zemljišta u vlasništvu države putem pribavljanja pisanih ponuda sprovodi se na temelju bodovanja ponude ponuditelja.

Komisija će bodovati samo ponude koje su pravovremene, potpune i koje ispunjavaju kriterije propisane javnim pozivom.

Prijave za dodjelu zemljišta po dva osnova (pravna i fizička lica) neće biti uzete u razmatranje.

Član 12.

U slučaju da se na javni poziv prijave pravna i fizička lica sa zahtjevom za zakup zemljišta u površini većoj odnosno manjoj od raspoložive, koja je predmet javnog poziva, Komisija može napraviti prijedlog gradonačelniku da se ponuđačima umanjí odnosno uveća tražena površina zemljišta za zakup, srazmjerno ukupnoj raspoloživoj površini zemljišta.

Član 13.

Ovaj Pravilnik stupa na snagu danom donošenja, a objavit će se u Službenom glasniku Grada Gradačac.

Broj: 02-20-553/20

Datum: 03.03.2020. godine

GRADONAČELNIK
mr.sci Edis Dervišagić, s.r.

S A D R Ź A J
"Službenog glasnika Grada Gradačac" broj 2/2020

AKTI GRADSKOG VIJEĆA SA HITNE SJEDNICE ODRŽANE 04.03.2020.GOD.

1. Zaključak po Informaciji o novonastalom stanju na tržnici Arizona nakon donošenja Odluke o naplati ulaska i parkinga, od 26.02.2020. godine, od strane preduzeća Nova pijaca d.o.o. 33

AKTI GRADSKOG VIJEĆA SA VANREDNE SJEDNICE ODRŽANE 03.04.2020. GOD.

1. Odluka o dopunama Poslovnika Općinskog vijeća Gradačac.
2. Odluka o prihvatanju grant sredstava Investicionog okvira za zapadni Balkan (WBIF) 34
- Podugovor o grantu za Projekat „Vodosnabdijevanja Gradačac“ između Federacije Bosne i Hercegovine, koju predstavlja Federalno ministarstvo finansija, i Grada Gradačac.
 - Podugovor o grantu za Projekat „Vodosnabdijevanja Gradačac“ između Grada Gradačac i J.P. „Komunalac“ d.d. Gradačac.
3. Odluka o davanju saglasnosti za upis prava vlasništva u korist JZU Centar za fizikalnu medicinu, rehabilitaciju i banjsko liječenje „Ilidža“ Gradačac 48

AKTI GRADONAČELNIKA

1. Odluka o raspisivanju javnog poziva za zakup poljoprivrednog zemljišta u vlasništvu države na području grada Gradačac 49
2. Pravilnik o postupku davanja u zakup poljoprivrednog zemljišta u vlasništvu države na području grada Gradačac 50